



# Elak salah guna laman sosial

Oleh Siti Badariah Abdullah  
rencana@media-  
prima.com.my

**Membaca** pengakuan dua remaja perempuan melacurkan diri menerusi laman sosial cukup mengejutkan, malah kita terpaksa mengakui betapa medium ini sering disalah guna bagi tujuan merosakkan diri dan masyarakat.

Laman web sosial yang dicipta untuk memberi kemudahan kepada manusia akhirnya kecundang fungsinya.

Sehingga kini, ada 170 rangkaian sosial interaktif aktif digunakan di seluruh dunia seperti Facebook, Twitter dan Friendster yang memberi peluang membentuk inte-

raksi sosial dan pergaulan maya tanpa sempadan.

Statistik pengguna yang tinggi menunjukkan kegilaan terhadap aktiviti melayari laman sosial kini ibarat satu budaya dan rutin kemestian dalam kehidupan.

Golongan fanatik pula tidak terbatas pada usia tertentu biarpun mengikut syarat dikenakan pengendali laman sosial tertentu ia memerlukan umur minimum sebelum dibenarkan menjadi ahli.

Hakikatnya, hampir semua aplikasi rangkaian sosial tidak memiliki kaedah untuk mengesahkan umur sebenar melainkan dinyatakan secara suka-rela.

Kita juga tidak boleh

menidakkan hak sesiapa untuk menggunakan medium ini, namun dari segi keselamatan sesungguhnya ia amat berbahaya kepada golongan tertentu terutama kanak-kanak.

Kemampuan mengakses tanpa batasan juga menjadikan laman sosial sebagai wadah berlakunya masalah sosial lain yang pastinya jika tiada pemantauan, ia boleh menjerumuskan sesiapa saja ke lembah kehancuran.

Adalah mustahil kita menghentikan teknologi ini ketika masyarakat dunia kian berlumba-lumba meneroka keajaiban sains dan teknologi.

Apa yang boleh dilakukan ialah pengawa-

lan menerusi kehendak diri sendiri yang akan menentukan sama ada berjaya mengekang nafsu daripada bertindak melebihi batasan atau sebaliknya.

Penciptaan laman sosial seharusnya memberikan manfaat terhadap penyebaran maklumat dan ilmu bukan memusnahkan kehidupan.

• Penulis mahasiswa Universiti Sains Islam Malaysia.

• Warga kampus yang ingin berkongsi penulisan mengenai isu semasa, boleh menghantarnya ke ruhaizarusmin@media-prima.com.my atau rencana@mediaprima.com.my